

KAKHELI INATO JIMOMI

SECRETARY

DEPARTMENT OF WOMEN MINISTRY

CONVENOR

CLEAN ELECTION MOVEMENT, WSBK



WSBAK CLEAN ELECTION MOVEMENT

Nagaland Baptist Church Council (NBCC) no **CLEAN ELECTION MOVEMENT (CEM)** kimiji **“MY VOTE MY FUTURE”** qhi no ighono agho shi sasü wuchekeu lo WSBK ghi NBCC zakütsü kiqui lono Core Committee Clean Election Movement amqo khaqhi veno kihimpimiqo ye ES, HOD, WCLF, Frontal heads, eno akimchimi/asachumi khami küqhano akumto shi sasü cheni. Akikishe tsala ighono kupunukhoi woche keu süchedo lo Kulolau Sümiqo ghi müqhamiqhiyi momu amikucho kikishe lo kichi-iti kümtsü pelo mtotoi puthugholu penike aküpüghü ajeli kütüta mlano sasü cheni.

Mla süsü ighilu akeqo hami:

1. Clean Election Movement launching küpüghü Saghiqhi 21, 2021 lono WSBK Aküvüto lono WSBK Staff, Frontal Organisation, WCLF Küqhano aküpüghü kivi shilu, eno ighilu kemi kümtsü no amikucho kikishe lo akumto shi puthugholu ani keu michi shi Jemichi shilu.
2. NBCC no Association exchange küpüghü püghü tsü keu toi WSBK ye Pochuri Association (PBCC) no Aküvüto lono Clean Election Movement küpüghü ighono alokepu shi Ahunaqhi 9, 2021 lono kuposhulu eno WSBK no Zeme-Nsong (ZBA) Ahunaqhi 22, 2021 lono pano a-a lo wuno WSBK no amikucho kikishe küpüghü jeli kishi sasü cheni

keno pano sasü küsajelu. Aküpüghü hiküma ye ighono amlokiqi shilu eno tokulu shilu.

3. WSBK CEM mqo no xathalu keu kiqui lono WSBK küpüghü jeli kümtsü lo amikucho kikishe ghili pesü küsajelu ighi ani.
4. NBCC qholo WSBK no atüghüu shi 2022 lono amikucho kikishe pesü Tüghakhani kipihi lo akichiu jolo kaku peitha akeu lo süluva, eno shikükami no itimiqo lau amikicho kikishe ghili pesü shikalu keu huthuluva.
5. WSBK Joint Meeting Lusaqhi 28, 2022 küküptsa lo, NBCC qholo küqhakulu akeqo eno WSBK no amikicho kikishe kiu ghola lono sawu cheni keno küsajelu.
6. WSBK Tsalaphi lo Saghiqhi 01-07, 2022 lono amikucho kikishe ghenguno Akukuho 174 ye kütshükime kighini do luniye ani.
7. NBCC no pichetsü ketoi amikucho kikishew poster campaign ghi shiluva, eno akimiji le ghi ado kusho kumolo iqiphe no kichi-iti kümtsü pelo phelu eno papelu penike kutokughoi ani.
8. Tolukivi thaqhü Akukuhou lo kümlamiqo pelo ado ado lo Amikucho kikishe pesü atsato shino Alhou tsa pesü akukuhomi lau küsaje apeni keu shi ani.
9. NBCC no pichetsü ketoi WSBK CEM Convenor no Amikucho kikishe lo kishino akumto shi puthugholu eno papelu masa keno yephe tsülu keu shilu.
10. Jukuchho shi akeu ye WSBK Atokukujo kümtsü lo Clean Election Movement Sub-Committee mqo khaqhive no ighono atsükupu shi sawu penike jukuchho qhino checheni.

Alhou no timi jeli kümtsü pelo ighono akumto shi amikucho kikishe lo puthugholu eno papelu penike ningu kümtsü no tamono akighini shi ani nolo.

Alhou she

KUGHENGU NINGU KIMIJI YE

KUNO ACHIPUKENOTPAU SHINKEU SHI ANI

ALHOU ZÜLO LIKHI KUMO NO TIMI ZÜLO GHI

IGHINIKEU

2 KORINTHIAMI 8:21



JESSE K. YEPTHO

SECRETARY

DEPARTMENT OF CHRISTIAN EDUCATION MINISTRY



Akughushu kiqheu Lhou je sheqhe eno shikimthi ani. Anu Jisü Khristo ni Xakuluu no ayeghi lo akiniu ide ighi moke dolo Pa kükaphu kughuko penike kulu keu kümla ghenguno mighi tiqhelimiyo gholo mla akeu pesü küpülümi aqha lau küsajelu ani.

"Atianuli ye AMPEU launo ighikeu mheghi kivike; panongu ye kükümgha kuchouke." Leshe 127:3



Ghulo lakhi apu no pa mheghi shi akughupu shi pighi akeu yeghikilu (car) shikimthe akelo ye panu ampe 4 huno atu pesü yeghikilu lo küxü puku aghi ipi. Ike apu no ti ithulu kemtsa paji süi ighi püzü ighono amlo ideveno pano kiu chijelu keno ti pesü panu ulu heve tsü ipi. Aji süi ighike dolo no kehu ighono heve aghi no anu ye shikipiviki lo wumasave ipi. Apu no kutou no kümsü chilelu eno pa mlo sakütü paw yeghikilu ju ighi kelo ye panu no atu pesü atsa ishi küxü puku püaghi ipi, "Ipu niye o kimiye anie".



Ayeghi lo amheghi ajeli ani kemu ni tianuli nguno akiqheu kühai ikemu apu aza kutomo no pano kümla, panow lhidi kishi, panow aki alu, tinhemügha eno tinguno alau thime kütäu no akhoto shi ado aju kümtsü tsüno tucho ani kemu pano tianuli ado tsümla no akemi kutomo ani. Ni tianuli ado tsümlave keu vechewo apu aza kutomo no amlo ghime eno kümsüchile keu do shi ani. Kümsüchile akepu ye ado ake lono ni do akiviu pesü ni tianuliyo tsülo. Ado aghuloki hitoi keu süchedo lono ni pelo ni do akiviu ni kumto akiqheu pesü tiqhelimiyo tsülu pe eno panongu lau Alhou kümla shilu aghi peke Alhou shikimthi ani.

Department of Christian Education Ministry pha hipau ye Alhou tsa kivi pesü ni tianuliyo lau pikülha tsü eno xakulupu laghi kichepiye niku kümla lo mighi masü ighi, mla ani eno, mla ananike.

Apha hipau no itmiyo eno shikükami ghenguno aküpüghü hipaqo shino masü ighi ani.

1. Tüghakhani Kiphiki lo Shikükami Qokiphe
2. VBS shikükami Qokiphe
3. Children Development Program (WSBAK no jusü akeu Akiphikiyo lo tsü ani)
4. Thé Bible Kiphiki
5. Itimi tüghazü küpüghü
6. Children Festival

Aküpüghü kütäu ghi kutomo ani kemu 2022 lo kiu mla ighi ani eno mla niye kuto ani keno hi pesü küsajelu ani. Ithulu eno philu kemi kümtsü mügha peni.



WSBAK TSALA

Saghiqhi 14, 2022

Mulho lono akughushu Lhou no Kulolau Sümi pelono Pa kükaphu kughuko kighishe apenike ghenguno WSBK pesü ningu tsü ke. Hiye khuu lüthüw mu kumoi ikemu ningu kümtsü pelono kuloji küqha no WSBK tucho phe pesü Alhou jüküvü shitsü peniyeke. Tighenguno ningu kighini no tsütsüghu toi tamono WSBK ghenguno inikhu tsü amayesae.

Saghiqhi 8-10, 1947 lono huthulu keu lo Alhou shikimthi tsü akeu gholo no, wove keu lo sakiphemi khunoqo vechewo WSBK huthu phetsü keno tipaqo ghenguno inikhu tsüni keu ke. Saghiqhi 14, 2022 Tüghakhani ye WSBK lo Akukuhou kümtsü Alhouw süküsho qholono kükümgha mpe shilu penike ningu kighini kuthoküzü shini eno kümtsü no amlo tsüqhiyi aküpüghü hipau pekithi no WSBK Tsala ikhiluni nolo. Akukuhouqo pelo pütüta gholau no WSBK Tsala kúpüghü pekithi luve penike pithi ani.

AKÜPÜGHÜ PEKIKITHI

1. Hukuthu kighini :
2. Khokichile Kiphi : Ghile Tiqhetini (Akikihi- 28)
3. Aqo le : Ghile Hupughi Lo (Akikihi- 300)
4. Akimchile :
5. WSBK ghenguno inikhuni :
6. Kuchou yesü kiphi : Mathi 9:37-38
7. Alhou Shepe : “Ghile Huni”
8. Ashekha kighini :

AKIGHINI KIMIJI

1. WSBK hukuthumi thive kemi eno kükümi.
2. WSBK lo Alhou qecheno ngove (retired) kemi.
3. WSBK kukuhou lo itehi Alhou qe akemiqo eno panongu kibo.
4. WSBK Executive Secretary, Department Secretaries, Centre staff eno akibolomi.
5. Mission Luche (field) eno Missionarymiqo.
6. Executive Council, President eno Kihimpimiqo.
7. Apha 6 (Departments) lo Chairperson ngo Kihimpimiqo.
8. WSBK Kighini-Ki eno Akighini lo xakiqhemiqo.
9. Sponsors (alaghi jeli lo aküa-kini qhasütsü akemiqo kibo).
10. Children Festival Amüthaqhi 30 - Ghileqhi 02, 2022 lo kuho ni akeu (Chekiye G.B.A).
11. WSBK Platinum Jubilee ghenguno.
12. WSBK kiphikiqo lo Shikükami eno Kiphimiqo.
13. Samaritan Home, Skill Development eno Naga Institute for Music and Folk Arts (NIMFA) ghenguno.
14. WSBK Mheghi/Lhidi Ki akeqo ghenguno.
15. Western Sümi yeghi bocholo külakishi alupenike.
16. WSBK lo Alhou ghunguno alau mlatsü penike.

WSBAK PLATINUM COLLEGE

WSBAK ye 2022 mpelo Platinum Jubilee pini akeu je lono **PLATINUM COLLEGE** huthu niye ani. College ye Nihokhü Phu lo ani eno **“IGHINIKEU TIQHELIMI SALA” (POSTERITY)** no akimiji shino khaqi ani.

College ye ithehi building pungu mla ani.

1. Administrative Building,

2. Boys Hostel,
3. Mess Hall cum Staff Quarter,
4. Girls Hostel eno
5. Church/Chapel Hall

Kümtsü no tamono Platinum College ghenguno inikhu tsü apeni ke qhüiniju ani.



Dimapur Sümi Baptist Church no FATHER'S SCHOOL KÜPÜGHÜ shilu keu lo Ino Joshua Sümi, Secretary, Planning, Property & Development no Sakipheu eno atsapiu shilu.



WSBAK Centre Staffmi dolono pulokini kukuphu qhaphe no Tokishe Phulo Akukuhoki mlatsülu. ES ampi no staffmi sasü **WORK FELLOWSHIP** ipi no akukuhoki shiqhe puku akeu jutho.



Zeme Baptist Association (ZBA) no

One Day Seminar for Women in Ministry Kúpüghü shikeu lo Inoli Kakheli Inato Jimomi, Secretary, DoWM no atsapiu shilu.



Tsalatsa abaghu phuphela aye pevelo, ikemu kiu akughupu ameshoqi keno ti kütsälulo; Akughupu thime abaghu no küzüpe aghi aye mthano pevelunosa, kughengu khunomu akoza alomoke ghenguno alou athi akeu ghi pevechemoi.

- John Bunyan -

SÜTSÀ LO AKÜKÜMSÜ KÜPHAKÜTSÜ
K. VIKIHO SÜMI

THANK YOU=O SHIKIMTHI/SHIKIMTHI

Atsa kümtsü ghoho akiviu ye **SHIKIMTHI** ipi keu ke. Alokiqui kije akeu lono atsa hipau kütami lau pilu cheni.

Itehi ni Sümi kutomo no **SHIKIMTHI** ipi keu atsa hipau pe atsa kütai kiukiu lomu azüqhu shi peitha akeu ithulu keu ghenguno alokümsü hipau küsajelu ani.

Kichekiyiye hami:

- ✗ Mucholani tsala lo kümvü keu anani kepi kümtsü lau **SHIKIMTHIVE** ani.
- ✓ Mucholani tsala lo kümvü keu anani kepi kümtsü lau **KÜTÜGHÜVE/PITHIVE** ani.
- ✗ **SHIKIMTHI** xyz pelo no ikughi no **SHIKIMTHI** tsa pilu penike **SHIKIMTHI** ani.
- ✓ **KIMIYENO** xyz pelo no ikughi no **SHIKIMTHI** tsa pilu penike **KUSÜ** ani.
- ✓ **ITEHI YE** xyz pelo no ikughi no **SHIKIMTHI** tsa pilu penike **ADO TSÜ** ani.
- ✗ **SHIKIMTHI** hilau kunguu ikughi tsü penike **SHIKIMTHI** ani.
- ✓ **KIMIYENO** hilau kunguu ikughi tsü penike **QHÜINIJU** ani.
- ✓ Hilau kunguu ikughi tsü penike **KUSÜ** ani.
- ✗ **SHIKIMTHI** iqave tsülo (nguno akiviu ye) ✓ **KIMIYENO** iqave tsülo.

Mtha keu ghenguno kumoe ikemu kutokughoi khamlave keu lono atsa: **Request=qhüiniju; Call=ku; Invite=kusü; Ask=khu; Inform=kütüghü/pithi; Please=kimiyeno eno kütaughi...** hipaqa kümtsü züqhu lo **SHIKIMTHI** peithave acheni.

Kunguu pi ighive akeu ye akukuho momu aküpüghü jeli lo peitha achekeu tsake hinguno alau ghi tsalakipe küxü lo atsa kütai kutomo lo **SHIKIMTHI** peithave keu acheni. Tighenguno **THANK YOU/THANKS** ipi kepu lo likhi no mtsümishei shi **O SHIKIMTHI/SHIKIMTHI** ipi peithaluve no atsa kütai peithalu kepu akeu loye kiu tsa peitha kepu keno akikili hipau shiluve aye alo nani kepi I kükümsü küsajelu ani.



West Kameng Baptist Church Council (WKBCC) no **LEADERSHIP TRAINING** kúpüghü shikeu lo Rev. Tovishe Sema, Ino Hetovi Aye, Ili Litaholi S. Zalipu eno Ino Kaino pano bidi no wuno aküpüghü hipau lo qokiphe tsülu.



Shokhüvi Ghami BA no Shokhüvi phulo Nagamese Baptist Church sponsor shi ache keulo, DoME lo Secretary, Rev. Tovishe Sema, eno Promoter, Ino Samuel Achumi, pama wuno akukuhou xüjulu.



AGIZÜLO KÜPÜGHÜ

- 01-07.08.2022 Clean Election Movement Kütshükime Kighini (WSBAK)
- 14.08.2022 WSBK Tsala
- 21.08.2022 Kichi-iti kümlá Hoho (Inaqhe)